

Fasnachtsgesellschaft Altli Stainlemer 1912



Nochfolger gsuecht...

Will s jo gheisse het, ich soll ändlig emoll öbbis mache für die Clique, wird ich mi in nэгgschter Zuekunft e bitz in d Organisation vo de Drummelstunde vom Stammverein driimische. Uss dэм Grund suech ich für dr Job als Redaggger vom Stainlemer e Nochfolger. Eifach, ass dir s schomoll ghört hänn. Und es isch wie bi jedem Job, wo me öbber derzue will ~~überrede~~ überzüge: es git praktisch nüüüüüüt z due in dэм Amt und aaaaaaaali hälfe Dir, wenn s muess si. Also los, wär sich für das Amt intressiert; s Casting isch ab sofort eröffnet.

Aber nit nur dr Job als Redaggger isch, bzw. wird vakant. Wie alli wüsse, wo sich e bitz regelmässiger in der Region Aubärg ufhalte, isch syt dr GV dr Poschte vom Drummelhund und vom Materialverwalter unbsetzt. Das isch notürlich nit cool und sott schleunigscht gänderet wärde. Während dэм me bim Drummel“hund“ dangg intärner Unterstützig vom Instruggdore-Pool und fortschrittene Rekrutieriggspröch mit extärne Kandidate e guete bis sehr guete Schritt voraakho isch, hänn mir für dr Poschte vom Materialverwalter no kei Lösig in Ussicht. „Me sött“ und „me könnt“ zwar viel, aber Resultat in därer Hisicht sinn no keine erzielt worde. Au do gilt: Freiwilligi vor, es isch e Pöschтели, wo me sich d Arbet schön ka iidäile und nit jedi Wuche muess fix aktiv sii.

Was hänn mir sunscht no? Läset s doch eifach sälber uf de nэгgschte Syttene.

Viel Vergniege bim läse,
Eure Redaggger.

Stainlemer Job-Börse

Du hesch e Flair zum guet schriibe? Du hesch Freud an redaggtioneller Arbet? Du bisch am Puls vo dr Clique und an de Alöss derbii? Du möchtsch gärn öbbis für d Clique schaffe und Dir die Arbet sälber könne iidäile?

Denn ~~bisch Du die völlig falschi Persöön~~ sueche mir DI!



Dr Stainlemer sueche e

Head of Global Public Printed Publishing Management

Also uf Neudütsch: e Redagder für dr Stainlemer

Wenn Du Luscht hesch, für e international völlig unwichtig, national ab und zue au scho uffelligi, aber lokal nüm wäggzdängendi Fasnachtsgsellschaft e gwüsse Byydrag z leischte, e paar Minute vo Dynere Freizyt z opfere und d Freiheit z ha, öbbis z schryybe, wo eigentlich keine interessiert... denn bisch Du dr richtig Maa!

Mit guet und gärn 320 Läser isch dr Stainlemer... halt dr Stainlemer.

Wenn Du Inträsse an däm Pöschтели hesch, denn mäld Di doch (bitte **OHNI** Foti!!!!) bim Marc Hälfeschtäi - m.helfenstein@stainlemer.ch

Die 105. GV het e bitz ussergewöhnlich aagfange, will me s Kässeli vo de Junge noch dr 104. GV nomoll gnau het welle aaluege und s denn im Nochhinein gnähmige. Das het au beschtens klappt und die usserordentlichi GV isch ohni Näbegrüsch und wytttere Wortmäldige über d Bühni.

Bahn frei also für die ordentlichi GV, die 105. Me (also ich) isch sehr gspannt gsi, wie die GV, vor allem bi de Wahle, ablauft. Schliesslig het me im Vorfäld scho könne verneh, dass zwei vo drei offene Pöschтели im Vorstand per GV vakant bliibe. OK immerhin 1 Poschte bsetzt. Macht e Träfferquote vo 33.333 Prozänt. Do muess me dängg hützutags scho froh sii drüber.

D GV-Gschäft sinn wie immer souverän vom Roman abghandelt worde. Bi de Wahle, wo dr Tagespreesi duregfiehrt het, isch es denn tatsächlich so gsi, ass me für e Tambourefchef und e Materialverwalter käi Ersatz het könne präsentiere. Das isch schad und nit optimal. Schad isch au, ass irgendwie so grad niemert reagiert het, ass me die Pöschтели muess freiloo. Klar isch es nit jedem geh, e sone Poschte z mache. Grad s Instruiere isch doch eher e Sach, wo in fachmännischi Händ sott glegt wärde. Als Materialverwalter bruchts Ornig und Disziplin, schiinz au nit jedem geh in unserer Clique... und doch stimmts my irgendwie nochdängglicg, ass mir immer mehr Mieh hänn, die Vorschtandsposchte z bsetze.

Näi; me bekunnt kei Gäld drfür, näi; me wird nit beriehm dermit und näi; me isch nit dr geiler Siech, will me im Vorschtand isch. Aber d Stainlemer, wie jede andere Veräin au, bruche e stargge Vorstand, wo gwüssi Fäade in de Händ het. Ohni starggi Vorständ in den letschte 100 Joor wäre d Stainlemer nit so gross, mystisch und äinzigartig worde.

Aber nit nur Vorstandsjobbli bruchts, au die viele stille Hälfer im mehr-oderweniger Hintergrund trage alli derzue bii, ass e Veräinsjoor guet über d Bühni goht. Und au dört wird s nit eifacher, frisches Personal z finde.

An därer Stell e ganze e grosses Danggschön an alli die obe Erwähnte und e Ufruef an die andere Kollege, wo bis jetzt nit oder nüm so in Aktion trätte sinn: gänd euch e Rugg und hälfet mit, ass d Stainlemer d Stainlemer bliibe!

Nunnefurz

Kleins Bilderrätsel vorab (höhö): was findet am 25.11.2017 statt?



Genau, es isch schiinz wieder Grossbasler Källerabstieg (dr Üsseri, oder wie au immer das heisst...). Dr Stamm vo den Alte Stainlemer het dr Käller am Aubärg 2B offe und bietet de Gescht wieder Speiss und Trank in Hülle und Fülle aa.

Genaueri Infos git s sicher bald unter stainlemer.ch

Unsere Källerschef wird denn bald au emoll Personal rekrutiere. Machet euch also druf gfasst, ass mr an sällem Samschtig dr eint oder ander Finger mien krumm mache für d Clique.

20:00



03:00





WALO ISLER AG

Sanitäre Anlagen und Spenglerei

4057 Basel, Claramattweg 9
4125 Riehen, Rauracherstr. 33
Telefon 061 691 11 66
www.walo-isler.ch
info@walo-isler.ch

Power Electronics us dr Staine

z.B. für Windkraftanlagen, Prüfeinrichtungen und
Spannungsversorungen

Vivatec GmbH, Steinenbachgässlein 25, 4051 Basel

www.vivatex.ch Geschäftsleitung: Ralph Niederer

The Power Electronics & Automation Company

**Metallbau, Stahlbau, Briefkästen,
Bauschlosserei, Glasbauten,
Einbruchschutz und Reparaturen.**

Fünfschilling AG

Hauptstrasse 20 | 4102 Binningen | 061 426 91 41 | www.fuenfschilling.ch

30.06.2017 – Grillplausch mit de Junteressli

Syg schiinz dr Plausch gsi. Wär nit kho isch, het öbbis verpasst.
Beschdde Grillplausch **EVER!**

Do no Impressionen:



19. – 29.07.2017 – Stainlemer in dr Tattoostreet

Syg schiinz dr Plausch gsi. Wär nit kho isch, het öbbis verpasst.
Beschdde Tattoo **EVER!**

Do no Impressionen:



11.08.2017 – Boulesturnier

Syg schiinz dr Plausch gsi. Wär nit kho isch, het öbbis verpasst.
Beschdde Boulesturnier **EVER!**

Do no Impressionen:





gottlieb
FACILITY SERVICES

Gottlieb AG | Auf dem Wolf 11 | CH-4052 Basel
Telefon 061 689 91 91 | Telefax 061 689 91 92
www.gottlieb.ch | info@gottlieb.ch
Standorte in BS, BL, SO und AG

Stainlemer Job-Börse

Du hesch e Flair zum Ornig halte? Du hesch Freud am Pfläge und Verwalte vo Vereinsmaterial? Du hesch kei Problem, öbbis termingerächt bereitzstelle? Du hesch en Usbildig im Löte Stuefe 53b-2XR-AKTIV (Lizenz für CERN - Teilchenbeschleuniger-Lötarbeiten. Und Stainlemer-Kopflatärnli)?

Denn ~~bisch Du die völlig falschi Person~~ sueche mir DI!



Dr Stainlemer sueche e

Head of Global Warehouse Management and Material Administration

Also uf Neudütsch: e Materialverwalter

Wenn Du Luscht hesch, für e international völlig unwichtig, national ab und zue au scho uffelligi, aber lokal nüm wäggzdängendi Fasnachtsgsellschaft e gwüsse Byydrag z leischte, e paar Minute vo Dynere Freizyt z opfere und d Freiheit z ha, Material neume z «versorge», wo s kei Sau me findet... denn bisch Du dr richtig Maa!

Mit guet und gärn 1912 Artikel isch d Vielfalt und Abwäggsig gwährleischtet.

Wenn Du Inträsse an däm Pöschтели hesch, denn mäld Di doch (bitte **MIT** Foti!!!!!!) bim Roman Meier - meier.roman@gmx.net



EBM GRÜN

Für noch mehr
Umweltbewusstsein und
100% Strom aus der Region:
EBM GRÜN ist der Strom der
Zukunft und besteht zu
80% aus Kleinwasserkraft
und zu 20% aus Sonne.

Bestellen Sie unter:
www.ebm.ch



VERTRAUT MIT ENERGIE. SEIT 1897

balfina
treuhand vermögen

Ihre Experten für Treuhand-Dienstleistungen und Vermögensverwaltung

- Buchführung und Abschlussberatung
- Steuerberatung
- Saläradministration
- Vermögensverwaltung
- Wirtschaftsprüfung

Balfina AG

Lange Gasse 90, 4052 Basel
Tel. 061/205 49 41



Roger Leisinger
Partner

Vo Pool-Instruggdore und andere Ungwöhnlichkeite

D Spiilsitzig vom Stamm isch das Joor unter em Mott gstande: nüt isch, wie s emoll gsi isch.

Do het s zum Byspiil im gmeinsame Teil scho Lüt kha, wo so überzügt vom Konzäpt gsi sinn, ass sy scho friehzytig heim sinn. Welles Konzäpt? Also über das hänn mir gar nit könne richtig diskutiere, will me schliesslig an dr Spiilsitzig will Lösige präsentiert bikoo und nit scho wieder son e eländi unnötigi Diskussion fiehre will. Me isch efang nur no am diskutiere! Wieso diskutiere mir eigentlich so viil? Vyllycht sotte mr do drüber emoll diskutiere...

Wie au immer – näbbscht divärse überraschende Wortmäldige und en ere vyllycht e bitz z lange Diskussion (huch...!) isch au s Thema vom Tamboureinstruggder, bzw. em Drummelchef notürlig vo Inträsse gsi! Do mir jo bis dato kei Nochfolgelösige vom Michel hänn, het sich e sogenannte freiwillige Instruggdore-Pool bildet. Intärni Tamboure, wo scho bi de Aafänger, Binggis, Junge Garde oder Stamm instruiert hänn oder aggduell sogar in somene Amt sinn. Die freiwillige (GEILI SIECHE) däile sich s Joor so plus/minus monatewyy uf, so dass jede e paar Yebige läitet. Das verspricht au Abwäggsilig und Spannig während de Drummelstunde für alli andere Tamboure. Dermit sich alli könne druf iistelle, was-wie-wenn passiert, het dr Tambourechef a.i. e Lischte erstellt. Eso ka jede sinni individuelle Yebige dehäm no besser gstalte ;-)

Dass me anere Lösige dra isch, het me au no ghört. Für e Tambourechef und en Instruggder. Und do mir jo volls Vertraue in unsere Vorstand und die involvierte Persoone hänn, het s denn au nit gross Diskussione geh (...), sondern me het denn no d Schlegel gschwunge und e paar Märsch duretschederet.

Notürlig sinn ali gspannt, wie s wyttergoht in därer Sach. Aber das könne mr jo emoll no am Frytig disk... bespräche.

Nunnefurz

*Party und Grillservice
Hausgemachte Wurstwaren*

*Dorfplatz 8
4123 Allschwil*

*Tel. 061 481 05 30
Fax 061 481 05 35*



Plätzli frei!

***Hesch Luscht, e Inserat im
Stainlemer z platziere?***

***Mäld Di bim Felix Stierli oder
bim Redagder.***



Dr Jung Stainlemer

Alli Junge, Interessierti, Fans



Dr Jung Stainlemer

«d Zytig in dr Zytig»



Infos und News über die
Junge vo de Alte Stainlemer

Mänggmoll... im aggduelle
«dr Stainlemer»



Dr Jung Stainlemer hat das Profilbild geändert





Dr Jung Stainlemer

Alli Junge, Interessiert, Fans

Clique Grümpeli 2017

Raase Buebesport Staine – s Original

Au das Joor isch wider uf der Schützematte e Clique-Grimpeli usstrait worde. Der Stamm het laider kai Mannschaft zämmegriegt (und dasmoll sinns die Jüngere gsi, wo parat gsi wäre, aber dasch en anderi Gschicht), und au d Binggis hänn laider kai Mannschaft (miesst das nid „Buebschaft“ haisse, Tobi?) zämmegriegt. Aber wär d Szene kennt, dä waiss, dass unseri Junge nid numme guet pfyffe und drummlle könne, sondern au ächti Raasebuebesportler sinn – s Original ebbe!

Und wie! In der Vorrundi hänn si unter iirem Tschingge-Trainer ChaCha Buffon kai Match verlore. Und das nid nirgendwie, sondern mit speggtakuläre Draumkombinatione und Bilderbuechgööli gschosse (äxgüsi, aber uf eme Fäld, wo kuum gröösser als e normale Döggelikaschte isch, mit Handballgoal, 6 gege 6... Wenn der Schiidsrichter au no uf em Fäld gstanden isch, hesch numme no könne mit Walker-Gedänggschüss operiere oder mit em Ball am Fuess miesse messi-mässig duuredribble bis hinter d Goal-Linie, will bimene Schuss der Ball übers Spiifäld gflibberet und spötischstens an der Mittellinie hänggeblieben isch). Grandios! Es isch im Trainer au glunge, der aige Nachwuggs (ebe: die Binggis, wo ainewääg hänn welle mitmache) in das Dream-Team yyzbaue. Sensationell! Das soll der FCB emoll nochemache. Aber der Trainer het ainewäg verpasst, d Spannig hoch z bhalte. Nachdämm syni Mannschaft im letschte Match vo der Vorrundi die erschte baide Goal kassiert het, do isch er vom Presidänt, em Tüllli Constantin, sofort entloo worde, und der Presidänt het sich sälber als Yebigsleiter aagstellt.

Am andere Morge isch denn aber doch nid der Präsidänt an der Syttelinie gschtande, sondern en andere Tschingge-Trainer, der Hunze Tramezzani. Au wenn d Defensive jetzt in der Zwüscherunde doch der aint oder ander Ball het miesse yyneloo, will si jetzt gege sterggeri Gegner worde sinn, hänn si ainewääg jede Match gwunne und souverän der Halbfinal erraicht. Laider hänn si dörte gegen e Retorteverain miesse spiile, wo zwor kai Aanig vo Fasnacht het und kuum Fans derby gha het, aber schutte hänn sälli ebe scho könne.

Der Trainer het tief in die taggtischi Triggkischte griffe, und unseri Raasebuebesportler hänn alles us sich uuse ghoot; es isch e spannendi und am Schluss ganz knappi Entschaidig gsi, das 3:4 us unserer Sicht. Aber mir hänn die Niiderlaag spoortlig aagnoo und uns sofort uf der glaini Final yygstellt. Dört hänn denn unseri Raasebuebesportler nüt lo aabrenne lo und wider in gwoonter Manier souverän gwunne.

Also: e stolze 3. Platz (gwunne hänn übrigens unseri Halbfinal-Gegner, aber das het aigentlig niemerts interessiert, isch jo e Clique-Grümpeli gsi), im ganze Turnier numme ai ainzige Match verlore, gueti Stimmig, schöns Wätter... e glunges Wuchenänd! Näggscht Joor wider! Allez, Raasebuebesport Staine! Und denn sinn hoffentlig au wider Binggis und Stamm derby!!! S Original am Clique-Grümpeli!!!

Der Zwölfer

Impressione uss em Stadion:



**HER
GER**

HERGER IMMOBILIENTREUHAND AG
PARKSTRASSE 36, 4102 BINNINGEN
T: 061 421 24 24, F: 061 421 12 18
WWW.HERGER-IMMOBILIEN.CH

**HER
GER**

43. Mittwuchsbümmeli vom 17. Mai 2017

Um die halber Drei hänn sich 18 Altgardische im Restaurant Mühli in Aesch firs 43. Mittwuchsbümmeli droffe, wo wider dr Hansjörg und dr Bäse organisiert hänn. An däm scheene Summerdaag hämmer ys kurz no de Drey uff d Sogge gmacht und sinn gmietlig dr Birs entlang Richtig Dornach gloffe, wo mr im Restaurant Nepomik zem Apéro yykeert sinn. Nodämm mr ys gsterggt und dr Hopfehuushalt ussgliche hänn, isch d Wandergrubbe none kurzes Stigg nach Rynach gloffe, wo im Clubhuus vom FC Rynach feyni Plättli und z Dringge gwartet hänn.



Duume

**Für Bewährtes und Innovatives
in Blech und Rohr****Für die Industrie und den Bau**

Blech- und Rohrbearbeitung, Laserbearbeitung.
Entwicklung und Bau von Prototypen,
Serienanfertigungen, Schnellservice.

**Persönlich & Leistungsstark**

LYN[®]TEC
EN ISO 9001: 2008
HAUTE COUTURE IN STAHL UND METALL



LYN-TEC AG
Zur Klostermühle
CH-8840 Einsiedeln
Tel. 055 418 40 20
www.lyn-tec.ch

Vorstandsässe vom 19. Mai 2017



"Du hebsch dä Faarplan falsch umme.
Dr Zug isch uff Gleis 6 gfaare!"

Vortrabsbummel vom 27. Mai 2017

Am viertel vor Achte hänn sich 10 Vortrabsbummel droffe, wo daasmooll dr Paul Rüedi organisiert hett. Am Achte isch dr komfortabli Bus vo Erika-Reise in Richtig Stans abgfaare, wo denn au dr Urs Lienert mit ere halbe Stund Verspöötig zuen ys gstoossen isch. Vo Stans simmer denn mit

Vorträbler bim Busbahnhof Meret Op-



Standseil- und Cabriobahn uffs Stanserhorn gfaare. Vor Allem d Faart mit dr Cabriobaan, e Seilbahn, wo men uff em Dach ka faare isch en aimooligs Erläbnis gsi. Uff dr Terasse vom Drairestaurant uff em Stanserhorn hämmer bi prächtigem Sunneschyyen en

Apéro gnoo, bevor mr wider hänn miessen aabefaare und mit em Bus no Buochs ins Restaurant Burestadl zem Zmidagässe schoffiert worde sinn. Nonem Zmidag het ys unsere Schofför no Fürige brocht, wo mer en interressanti Fierig in der Feschdig hänn derfe gniesse. Aaschliessend simmer gmietlig Richtig Basel zuggfaare und hänn im Restaurant Aareblick in Ruppoldinge (bi Aarburg) noonemooll e Zwischehalt ygelegt. Am frienere Oobe isch den e feynen Ussflug z Änd gange. Merci Paul fir die tolli Organisation

Duume

Generalversammlig vom 2. Juni 2017

Punggt 19.00 nooneme glainen Apéro het dr Obmaa begriesst und der Ablauf bekannt gää. Leider hämmer im abgloffene Verainsjoor wider miesse vo 3 Frind fir immer Abschiid nää, hän an däm Oobe aber noo-nemooll an si dänggt. Dr Kassier het e seer erfreuliche Kassebricht verlääse, was wider im erfolgryche Källerbedriib aber au im ginschtige Verlauf vom Jubileeumsjoor z verdangge isch. Au bi de Waale het's keini Diskusione gää. Alli Vorstandsmitgliider hänn sich fir e wyters Joor zur Waal gschteilt, wo dr Daagespräsident Stefi souverän iber d Biini brocht het, und sinn diskussionslos bestätigt worde.

E Höhepunggt vom Oobe isch sicher d Ernennig vom Felix zum verdienten Eeremitglied gsi, wo dr Räschtvorstand im Hintergrund organisiert het und au vo dr GV vom Stamm d Wuche druff bestätigt worden isch. Dr René Vögeli hett dernoo s neye Drummelbuech vo dr Alte Garde vorgschteilt, won är und dr Andi Borer mit vyl Uffwand erstellt hänn.

Im Aaschluss an d GV het uns d Källerkommission wider mit feyne Krozinger Sparse verweent, wo gueti Gaischter am Daag duure gschellt hänn und vom Ärscht Winteregg uff dr Punggt zuebereitet worde sinn.

Duume

1. Altgarde-Jassturnier vom 14. Juli 2017

Am Frydig, 14. Juli hänn sich 8 Jasser, dr Spiellaiter Peter Gloor und dr Organisator Christian Roth, im Clublokal vom Wassersportverain Basel zem 1. Altgarde-Jassturnier droffe. Drotz wenig Dailhämmer



<i>Ranglischte</i>		
1.	E. Winteregg	4132
2.	B. Ernst	4072
3.	P. Argast	3991
4.	H. Stüssi	3737
5.	R. Vögelin	3706
6.	R. Forrer	3679
7.	R. Panosetti	3494
8.	G. Viloz	3333

isch dä Aaloss e tollen Erfolg gsi und seer kameradschaftlich abgloffte. Kai einzig beeses Wort isch wäärend em Turnier gfalle. Es hänn alli dr Blausch kaa – aber es isch drotzdäm ärschthhaft gjasst worde. S Resultat isch aigentlig nääbesächlich gsi. Aber nach 4 Runden à 3 Passe het dr Ärscht Winteregg oobenussgschwunge, wo genau d Pinggt vo synere Postlitzahl erraicht het.

Es sin sich am Schluss aber alli ainig gsii, ass me dä Aaloss im 2018 muess widerhoole. Hoffentlig finde denn e baar Stainlemer mee in s gmietlige Lokal am Santihansrhywäg.

E bsundere Dangg goot an Christian Roth, wo's im 2. Aalauf au gschafft het, Wienerli haiss z mache, ooni ass si platze und an Peter Gloor, wo s Rächnigsbiro souverän gfiert und scheeni (Wy-)bryyse organisiert het.

Duume

Pétanque-Turnier vom Vortrab vom 4. Auguscht 2017

Am Frydig, 4. Auguscht am Zää vor Fimfi sinn 6 Vorträbler mit dr S-Bahn vom Bahnhof SBB nach Rhyfælde gfaare. Dert isch me denn zum Pauli und dr Mara Rüedi go ne feynen Apéro nää. Hinter em Huus, wo dr Paul woont, het's en ideali Aalaag zem Pétanque spiile, wo mr denn e glains Turnier (jeede gege jeede) ussdrat hänn und wo unsere Gaschtgääber Paul souverän gwunne het (Haimvortail ...). Är het drum dr verdienti erschti Bryys vom Initiant, unserm Vortrabschef, derfen in Empfang nää.

Aaschliessend sinn mer aaben ins Stedtlı gloffe, und hän ys im Restaurant Schiff lo verweene. Gegen Elfi simmer denn wider mit Taxi und Zug zrug nach Basel gfaare, won e gmietlige Vortrabsaaloss z Änd gangen isch

Duume

Summerplausch vom 11. August 2017

Wägem Wätter het dr Organisator, Heinz Gottlieb, s Brogramm laider kurzfristig miessen umstelle, well s fir dr Apéro uff em Rhy sicher z ungmietlig gsii wär. Usser em Vortrabchef hänn das au fascht alli gmerggt.

Dr Heinz het aber dangg em Stefan Freiermuth vom Drummelbau Schlebach e mee als valaabli Alternative kenne finde und drum het me sich am Säggsi zum Apéro und ere Wärggstattbesichtigung im Drummlegschaft in dr Riechedorstrooss droffe. Am Sibeni hänn denn die knapp 30 Altgardische ins Restaurant zum Rübhuus disloziert, wo me guet g ässe het und no lang gmietlig zämmeghoggt isch.

Duume

Em Bebbi sy Jazz vom 18. August 2017

S OK und zaalrychi Hälfer vo dr Alte Garde und vom Stammverain hänn wieder e tolli Baiz im Hof vom scheene Huus uf d Bai gschtellt und betriibe. Laider het sich numme wider dr fascht glychi «harti Kärn» engagiert, dorum hämmer die blaanti Erwyterig vo dr Baiz nid kenne realisiere. Wie



scho gwoont hänn mr unseri Gescht mit Wirscht, Bräzel und Tranggsaame verweent. Die baide bewäarte Bänds («Dixie Brothers» und «The Sugar Foot Stompers») hänn wider fir e tolli Stimmig gsorgt.

Laider isch daasmool dr Wättergott däm Aaloss nid so guet gwooge gsii wie in de frienere Joor. E heftigs Gwitter am friehen

Oobe het nid numme d Stimmig, sondern au dr Umsatz stargg triebt. Zu Gligg het's aber speeter no Lyt gää, soo hämmer wenigstens nid druffleggt. Fir aimool isch drum s gsellige Zämmeschaffen und nid dr Gwinn im Vordergrund gstande. D Zämmenarbet vo de total guet 40 Hälfer vo dr Alte Garde und em Stammverain isch aber wie jeedes Joor wider fascht ryybigsluos gsi und e bsunders Danggscheen gilt dääne Kamerädli, wo freiwillig none Schicht aaghängt hänn, well's in dr letschte Schicht laider zwenig Hälfer ghaa het.

Duume

Grillplausch mit dr VKB Alti Garde vom 1. Septämber 2017

Ebbe 50 Altgardische vo baide Verain (inklusive de 2 Fraue vo dr VKB) hänn sich am halber Sibeni wider in dr Theodors-Aalag bim Rätz-Archiv scho zem dritte Mooll zemene gemeinsame Grillplausch troffe. Mr hänn an däm daas Joor kielen aber wenigstens isserlig droggenen Oobe die vom «Rätz-Chef-Grilleur» perfäggt grillierte Wirscht, Steak und dr gueti Salat gnosse und an Flüssigem hets au gnueg gha. Als «Abschluss» hets wider e feyns vo dr Rätz-Glygge offerierts Dessert gää.

Gsprächsstoff isch gnueg vorhande gsi (me het au vyl perseenligs vonenand erfaare) und esoo hämmer wider e gmietligen Oobe zämme verbrocht.

Nodämm am erschte Grillplausch am Aafang die baide Glygge fascht unter sich gsii sinn, hänn sich d Dailnämmen in dämm Joor vo Aafang aa seer guet gmischt; esoo, wie's aigentlig sotti syy. Unsere René B. und dr VKB-Remo hänn denn alli begriesst und dr Archiv-Baizer vo dr Rätz het dr Ablauf bekannt gää.

Drotz em kalte Wätter isch dr harti Kärn denn au bis kurz vor Mitternacht hogge bliibe. E grosses Danggerscheen goot nid numme an die baiden Organisatore, sondern au ans Archiv-Team vo dr Rätz, wonys wider wunderbar bedient und verweent het.

Duume

„Rundi“ Geburtsdääg vo Altgardischen im 3. Quartal:

Plattner Jürg	17.07.1942	75
Clauss Christian	10.09.1962	55

Mer wintschen alle Jubilare ze iirne runde Geburtsdääg alles Gueti, Xundheit, no vyyl scheeni Fasnachte und Zyt mit iire Glyggekamerädli.

Duume

ATELIER BAJASS

AG

**Fasnachtsatelier fir alles
was fir d'Fasnacht bruucht wird.**

Heidi und Hans Ledermann, Bläsiring 107,
4057 Basel, Tel. 061/692 14 14, Fax 061/692 18 20
Postadresse: Postfach, 4007 Basel



Larve
Goschdym
Stoff
Naije
Modeschmugg
Dekoration

Giggernillis
Zoggeli
Gschänggli
Scherzartiggel
Tombola
und vyl vyl meh



Kumm go luege.

Effnigszyte: Di-Fr 15.00-18.00, Sa 14.00-16.30



061 444 44 44

TAXIPHON



Ihr Taxi für alle Fälle

Me goht uf Bulle! Nämmlig an s Tambourefescht! Bzw. an s Eidgenössische Tambouren- und Pfyfferfescht! Hörray! Das freut dr Redaggender (und nit nur dä!). Noch eher durchzogener Däilnaam in de letschte Joore wänn mir vom **28. Juni bis am 1. Juli 2018** wieder go wettkämpfle und s glatt ha im Kreis vo andere Formatione, bi fründlige Gaschtgäber und hoffentlich mit ere grosse Trube Stainlemer. Drummler, Pfyffer, Schlachtebummler! Vom Stamm, wie au vo dr Alte Garde! D Infos folge, bitte mäldet euch aa!

Denn git s e Plan, ass me unseri Kopfladärne vom Stamm emoll e so richtig renoviert und wieder morgestraichfit macht. E gueti Sach, brucht aber divärsi Hälfer. Ab em **Novämber** wärdet dir drwäge aagschriebe.

Und do nomoll e paar Date zum mergge:

- 11.11.2017 – Yebigssamschtig Stamm
- 10.11.2017 – Fasnachtssitzig Alti Garde
- 17.11.2017 – Fasnachtssitzig Stamm

So das wärs für d Nummere 205. Und wär sich beruefe fühlt, ab dr Nummer 208 für dr Inhalt vom Stainlemer verantwortlich z sii, soll sich bitte bi mir mäld.

Eure Redaggender

Redaggtionsschluss „dr Stainlemer“ 206:

17. Novämber 2017

Marc Helfenstein | Äussere Baselstrasse 304 | 4125 Riehen
m.helfenstein@stainlemer.ch | 078 859 80 91

www.stainlemer.ch | www.jungi-stainlemer.ch | www.stainlemer-ag.ch